


Республикин хотл

Элст — Хальмг Автономн Советск Социалистическ Республикин хотл балгьсн. Хальмг оln-амтнā автоном хару токтснас нааран, 1957 — 1958 джилмүдин туршарт төрсн газрун хару нүүдж ирсн хальмгудас гурви миньгь шаху өркбүл Элст балгьснд бүүрлв. Элстд ирсн хальмгуд цугтан производственн кōдлмшт: балгьсна тосхлтд. бāари промышленностьд болн балгьсна колхозмудин кōдлмшт шунмгьаргьар орлцдж йовцхана. Балгьсна амтнā то эн хойр джилин эргид хойр холван өсв.

Хальмг АССР-н кесг оln учрежень Элстд бāанā, теднд миньгь шаху күн кōдлджанā.

Ясврин завод, тосна завод, электростанц, лесхоз, промышленн комбинат, ясврин техническ станц, тоосхин завод, промышленн артель болн нань чигн промышленн предприятие бāанā.

Амтн бāадг гермүдиг болн культурн-бытовой тосхлтсиг Элстд кесг тосхлтин организац кенā: Тосхлтин 1-ч болн 2-ч номертā управленьс, селāнā эдл-ахун Министерствин, потребсоюзин тосхлтин управленьс, балгьсна коммунальн эдл-ахун ясврин болн тосхлтин контор, колхозмуд хоорндк тосхлтин контор. Цуг эн тосхлтин



организацет хойр миньгь шаху кōдлмшчир кōдлджанā.

1957 — 1958 джилин эргид прокуратурин, селāнā эдл-ахун Министерствин, дотр-дундин Министерствин гермүд. амтн бāадг 32 пāтртā нег гер, 12 пāтртā нег гер, нāамāгьад пāтртā 17 гер, арвн зургьагьад, арвн долагьат пāтртā 11 гер, дөрвāгьад пāтртā 49 гер, хошагьад пāтртā 15 гер, неджāгьад пāтртā 44 гер тосхгдв. Дакад эздүдин миньгь шаху гермүд бāрдв.

Им оln гермүд тосхгдсна ашд Элст балгьснд кесг оln шин уульнцс немдж гарч, балгьсн икār өсв.

1957—1958 джилмүдин эргид балгьсна гол уульнцсин күн йовдг хаалгь 50 миньгь шаху квадратн метрт асфальтар, уульнцс 15 миньгь шаху квадратн метрт чолугьар бүркгдв. 70 миньгь шаху модн балгьснд суулгьгдв. Ленинā нертā проспектд бульвар гаргьгдв.

Балгьсна электростанц болн электросеть хүврүлгдв, балгьсна бань күүцс ясгдв. Нидн джил Элстин боодг шинрүлдж ясрулгдла.

140 ормта «Элст» гидг нертā гостиниц Элстд тосхгддж дуусгдв. 400 ормта хойр школ тосхгдджана. Поликлиникин, би-чкдүдин яслин гермүд тосхлгьн эн джил дуусгдхмн, дакад 520 ормта школ тосхлгьн эклгдхмн. Дакад «Дружба» гидг нертā зунн кинотеатр тосхгддж дуусгдв. Иргч жилās авн балгьсна культурин болн амрлгьнā парк рошд гархмн.

Балгьсн икār өсснā ашд ус гаргьлгьинг өдрин 1500 кубометр күргдж икдүлх, электроэнергин күчиг 1500 киловатт күргдж икдүлх кергтā, тер цагт мана балгьсн улм цаарандан өсдж, ясрхнь лавта.

А. ДЖИМБИНОВ,

Элст балгьсна Советин күүцгч
комитетин ахлач.